



Arolygiaeth Gofal
Cymru
Care Inspectorate
Wales

Adroddiad Arolygu

Hayley Griffith

Caernarfon



Dyddiad Cwblhau'r Arolygiad

09/05/2024

Llywodraeth Cymru © Hawlfraint y Goron 2024.

Cewch ddefnyddio ac aildefnyddio'r wybodaeth sydd yn y cyhoeddiad hwn (ac eithrio'r logos) yn ddi-dâl, mewn unrhyw fformat neu gyfrwng, o dan delerau'r Drwydded Llywodraeth Agored. Gallwch weld y Drwydded Llywodraeth Agored ar wefan yr Archifau Gwladol, neu gallwch ysgrifennu at The Information Policy Team, The National Archives, Kew, London, TW9 4DU, neu anfon e-bost i: psi@nationalarchives.gsi.gov.uk

Rhaid i chi atgynhychu ein deunydd yn fanwl gwir a pheidio â'i ddefnyddio mewn cwl-destun

Y gwasanaeth

Y math o ofal a ddarperir	Gwarchodwr Plant
Lleoedd cofrestredig	8
Iaith y gwasanaeth	Cymraeg
Arolygiad blaenorol Arolygiaeth Gofal Cymru	12 Ebrill 2017
A yw hwn yn wasanaeth Dechrau'n Deg?	Nac ydy
A yw'r gwasanaeth hwn yn hyrwyddo'r iaith Gymraeg a diwylliant Cymru?	Nid yw'r gwasanaeth hwn yn darparu 'Cynnig Rhagweithiol' ar gyfer y Gymraeg ac nid yw'n gwneud ymdrech sylweddol i hyrwyddo'r defnydd o'r Gymraeg a diwylliant Cymru.

<u>Llesiant</u>	Da
<u>Gofal a Datblygiad</u>	Da
<u>Yr Amgylchedd</u>	Da
<u>Arweinyddiaeth a Rheolaeth</u>	Da

I gael rhagor o wybodaeth am raddau, gweler diwedd yr adroddiad hwn

Crynodeb

Mae'r plant yn hapus ac mae ganddynt gydberthynas gynnes â'r gwarchodwr plant. Maent yn mwynhau eu hamser yn y gwasanaeth ac yn dewis yn hyderus o blith y gweithgareddau sydd ar gael. Mae'r plant yn hyderus i gyfleu eu hanghenion ac maent yn dechrau gwneud ffrindiau, a dysgu sgiliau cymdeithasol cadarnhaol.

Mae'r gwarchodwr plant yn garedig ac yn cefnogi'r plant mewn modd cadarnhaol. Mae'n ymwybodol o'i chyfrifoldebau o ran cadw'r plant yn ddiogel ac yn hyrwyddo arferion iach. Mae'n annog y plant i dreulio digon o amser tu allan yn yr awyr iach ac i olchi eu dwylo fel bo angen. Fodd bynnag, nid yw'r gweithdrefnau golchi dwylo cyn prydau bwyd bob amser yn unol â'r arferion gorau cyfredol

Mae'r gwarchodwr plant yn sicrhau bod yr eiddo yn groesawgar ac yn ddiogel ac yn darparu amrywiaeth dda o deganau ac adnoddau. Fodd bynnag, gellid datblygu'r cyfleoedd i'r plant archwilio deunyddiau naturiol ac wedi'u hailgylchu ymhellach er mwyn gwella eu dealltwriaeth o'r byd o'u cwmpas.

Mae'r gwarchodwr plant yn rheoli ei gwasanaeth yn dda ac yn deall ei chyfrifoldebau rheoliadol. Mae'n sicrhau bod ei hyfforddiant a'i gwiriadau addasrwydd yn gyfredol, a bod y rhieni'n cael y wybodaeth ddiweddaraf am ddatblygiad eu plant ac unrhyw newidiadau i'r lleoliad.

Mae'r plant yn hapus ac wedi setlo yn y lleoliad. Maent yn mynegi eu hunain yn hyderus ac yn cyfleu eu hanghenion i'r gwarchodwr plant yn effeithiol. Gall y plant ddewis sut i dreulio eu hamser ac maent yn dewis eu teganau yn annibynnol gan eu bod wedi'u storio o fewn eu cyrraedd. Er enghraifft, maent yn mynd i'r ystafell chwarae ar ôl cyrraedd yn hyderus ac yn gosod y traciau trê'n er mwyn iddynt allu chwarae â'r trenau.

Mae'r plant wedi meithrin cydberthynas gynnes â'r gwarchodwr plant ac â'i gilydd. Maent yn teimlo'n ddiogel ac yn hyderus yn eu hamgylchedd. Er enghraifft, roeddent yn hapus i siarad â ni ac i ddangos eu hoff deganau i ni. Maent yn teimlo'n gyfforddus i ddweud wrth y gwarchodwr plant beth maent ei eisiau ac yn gofyn am help pan fo angen. Er enghraifft, gofyn am help i wisgo menig a gogls wrth chwarae â'r teganau offer.

Mae'r plant yn dechrau gwneud ffrindiau, ac yn meithrin sgiliau cymdeithasol cadarnhaol. Maent yn hapus i sgwrsio â'r gwarchodwr plant am yr hyn y maent yn ei wneud ac yn awyddus i'w chynnwys wrth chwarae. Er enghraifft, pan oedd y plant yn chwarae'n ddychmygus â'r set swyddog heddlu, roeddent yn awyddus i gynnwys y gwarchodwr plant, gan ddweud wrthi'n gyffrous am yr hyn roeddent yn ei wneud. Mae'r plant yn hapus i gymryd eu tro ac i rannu teganau ar ôl cael ychydig o ysgogiadau ysgafn gan y gwarchodwr plant. Er enghraifft, mae pob un ohonynt yn disgwyl yn amyneddgar am eu tro i daflu'r peli meddal at y rhwyd pêl-fasged, gan gymeradwyo ei gilydd a chwerthin wrth iddynt chwarae.

Mae'r plant yn mwynhau eu hamser yn y lleoliad ac yn ymuno'n frwd yn y gweithgareddau. Maent yn canolbwyntio'n dda yn ystod tasgau ac yn mwynhau chwarae'n greadigol â'i gilydd. Er enghraifft, maent yn ymgolli'n llwyr wrth chwarae â ffigyrau uwcharwyr, gan sgwrsio â'i gilydd yn hapus a rhoi cyfarwyddiadau i'w gilydd ynglŷn â beth i'w wneud nesaf. Mae'r plant yn canolbwyntio'n dda ar dasgau. Er enghraifft, gwnaethant ddyfalbarhau â theganau cysylltu chweonglog a dilyn cyfarwyddiadau'n dda i baru siapiau lliw â'i gilydd i greu siapiau blodau.

Mae'r plant yn cael amrywiaeth dda o brofiadau ac yn cael llawer o gyfleoedd i dreulio amser yn yr awyr agored. Maent yn chwarae yn yr ardd pan fydd y tywydd yn caniatáu ac yn mynd ar deithiau rheolaidd i'r parciau lleol a mannau o ddiddordeb. Mae hyn yn rhoi'r cyfle iddynt ddatblygu'n gorfforol ac yn gymdeithasol. Caiff y plant eu hannog i wneud pethau drostynt eu hunain, fel bwydo eu hunain a gwisgo eu hesgidiau a'u cotiau. Mae hyn yn eu helpu i fagu hyder a hyrwyddo eu hannibyniaeth.

Mae gan y gwarchodwr plant ddealltwriaeth dda o'i chyfrifoldebau i gadw'r plant yn ddiogel ac yn iach. Mae wedi cwblhau hyfforddiant diogelu sy'n gyfredol ac yn gallu disgrifio'r gweithdrefnau cywir i'w dilyn pe bai ganddi unrhyw bryderon am blentyn y mae'n gofalu amdano. Mae'r gwarchodwr plant wedi cwblhau'r hyfforddiant Cymorth Cyntaf Pediatrig diweddaraf, sy'n golygu ei bod yn barod i ddelio ag unrhyw ddamweiniau neu argyfyngau a all ddigwydd. Caiff damweiniau eu dogfennu'n dda, a chaiff y cofnodion eu llofnodi gan y rhieni, i ddangos eu bod wedi cael gwybod am y digwyddiad. Mae'r gwarchodwr plant yn sicrhau bod y plant yn gwybod sut i adael yr adeilad yn gyflym ac yn ddiogel mewn argyfwng drwy sicrhau bod ymarferion tân rheolaidd yn cael eu cynnal. Mae'r ymarferion hyn wedi'u cofnodi mewn cofnodlyfr penodol.

Mae'r gwarchodwr plant yn hyrwyddo arferion iach; mae'n sicrhau bod digon o gyfleoedd i'r plant ddatblygu eu sgiliau corfforol a threulio amser yn yr awyr agored. Mae'n sicrhau bod y plant yn gallu cael gafael ar eu poteli dŵr drwy'r dydd, gan hyrwyddo arferion hydradu da. Mae'r gwarchodwr plant yn hyrwyddo hylendid da drwy annog y plant i olchi eu dwylo pan fo hynny'n briodol. Fodd bynnag, nid yw'r gwarchodwr plant bob amser yn sicrhau bod y plant yn defnyddio tywelion papur i sychu eu dwylo. Er bo'r byrddau yn cael eu glanhau bob bore, nid ydynt bob amser yn cael eu glanhau gyda hylif diheintio cyn amseroedd bwyd. Mae hyn yn cynyddu'r risg o ledaenu haint.

Mae'r gwarchodwr plant wedi meithrin cydberthnasau cadarnhaol â'r plant. Mae'n siarad â nhw mewn modd caredig a chyfeillgar ac yn delio ag unrhyw ymddygiad digroeso yn bwylllog a theg. Mae'n defnyddio dulliau cadarnhaol i ailgyfeirio'r plant os byddant yn dechrau dangos unrhyw ymddygiadau annerbyniol. Er enghraifft, mae'n cyfleu ei disgwyliadau'n glir ond yn dyner mewn perthynas â rhannu ac ymddwyn yn briodol yn ystod gweithgareddau, ac mae'n tynnu sylw'r plant a'u hailgyfeirio os byddant yn dechrau ymddwyn yn amhriodol. Mae'r polisi rheoli ymddygiad yn amlinellu'r arferion a welwyd yn ystod ein hymweliad.

Mae'r gwarchodwr plant yn cynllunio amrywiaeth o weithgareddau yn unol â diddordebau unigol y plant a'u hanghenion datblygiadol. Mae'n sicrhau bod y plant yn cael cyfleoedd i ddatblygu eu sgiliau cymdeithasol drwy fynychu grwpiau plant bach lleol. Maent hefyd yn mynychu grŵp stori yn y llyfrgell leol. Mae'r gwarchodwr plant yn olrhain datblygiad unigol y plant gan ddefnyddio ffurflenni olrhain datblygiad dynodedig. Mae'n sicrhau bod y rhieni'n cael gwybodaeth reolaidd am gynnydd eu plant drwy negeseuon preifat ac adborth ar lafar ar ddiwedd pob dydd.

Mae'r gwarchodwr plant yn darparu amgylchedd glân a diogel i'r plant. Mae'r drysau i'r safle yn cael eu cloi pan fo'r plant yn bresennol ac mae gofyn i ymwelwyr ddangos prawf adnabod a mewngofnodi drwy ddefnyddio'r llyfr ymwelwyr dynodedig. Mae ardal yr ardd yn ddiogel ac wedi'i hamgylchynu gan ffens gadarn. Caiff cofnodion cywir o bresenoldeb y plant eu cofnodi bob dydd. Caiff yr holl beryglon posibl a'r camau i'w cymryd i leihau neu ddileu'r peryglon hyn eu hamlinellu yn yr asesiadau risg ysgrifenedig. Caiff yr asesiadau risg hyn eu hadolygu'n rheolaidd er mwyn sicrhau bod y risgiau'n cael eu rheoli a'u monitro'n effeithiol.

Mae'r gwarchodwr plant yn darparu amgylchedd croesawgar a chyfeillgar. Gall y plant ddefnyddio ystafell chwarae a lolfa, sy'n golygu bod ganddynt ddigon o le i symud o gwmpas yn rhydd ac archwilio'r gweithgareddau sydd ar gael. Mae'r gwarchodwr plant yn darparu amrywiaeth briodol o deganau ac adnoddau sy'n addas ar gyfer oedran y plant, gan gynnwys ffigurau anifeiliaid, setiau trên pren, jig-sos, cerbydau tegan, teganau adeiladu, deunyddiau celf a chrefft a chegin chwarae. Cedwir y teganau a'r gemau yn drefnus a chânt eu storio mewn bocsys ar lefel isel er mwyn i'r plant allu eu cyrraedd yn annibynnol. Ceir hefyd glustogau a chadeiriau cyfforddus er mwyn i'r plant allu ymlacio a threulio amser tawel yn darllen o'r amrywiaeth eang o lyfrau sydd ar gael os byddant yn dymuno gwneud hynny. Gall y plant hefyd ddefnyddio'r ardd, lle y gallant gwblhau gweithgareddau crefft neu fynd â'r teganau allan i chwarae yn yr awyr agored.

Mae gan y gwarchodwr plant amrywiaeth o gyfarpar i gefnogi sgiliau annibynnol y plant iau. Er enghraifft, mae ganddi seddi toiled i blant bach a stôl step yn yr ystafell ymolchi er mwy i'r plant allu defnyddio'r toiled a golchi eu dwylo yn annibynnol. Mae'r holl deganau ac adnoddau yn lân ac mewn cyflwr da. Mae'r gwarchodwr plant wedi dechrau cynnwys deunyddiau naturiol ac wedi'u hailgylchu yn yr ardal chwarae dan do er mwyn meithrin gwybodaeth y plant am y byd o'u cwmpas a'u dealltwriaeth ohono. Fodd bynnag, mae'r cyfleoedd i'r plant archwilio deunyddiau naturiol, deunyddiau wedi'u hailgylchu a deunyddiau bywyd go iawn yn yr ardaloedd chwarae dan do yn gyfyngedig. Caiff y teganau a'r adnoddau eu glanhau'n rheolaidd a chofnodir y tasgau hyn gan ddefnyddio rhestrau gwirio dyddiol er mwyn i'r gwarchodwr plant allu eu monitro'n effeithiol.

Mae gan y gwarchodwr plant ddealltwriaeth dda o'i rôl a'i chyfrifoldebau rheoliadol, ac mae amrywiaeth o bolisiau ganddi sy'n golygu ei bod yn gallu rhedeg ei gwasanaeth mewn modd diogel ac effeithiol. Caiff y polisiau hyn eu hadolygu a'u diweddarau'n rheolaidd er mwyn iddynt gynnwys y wybodaeth ddiweddaraf. Fodd bynnag, roedd y polisi rheoli ymddygiad a'r polisi cwynion yn cynnwys rhai gwallau. Ers hynny, rydym wedi cael copïau diwygiedig o'r polisiau hyn, sydd bellach yn cynnwys y wybodaeth gywir. Mae gan y gwarchodwr plant ddatganiad o ddiben manwl, sy'n rhoi disgrifiad clir a chywir o'r lleoliad. Mae hyn yn golygu y gall rhieni wneud penderfyniad gwybodus o ran p'un a all y lleoliad ddiwallu eu hanghenion nhw a'u plentyn ai peidio.

Mae'r gwarchodwr plant yn ceisio adborth gan y rhieni a'r plant yn rheolaidd. Mae'n nodi rhai o'r gwelliannau a wnaed hyd yma a'r gwelliannau arfaethedig ar gyfer gweddill y flwyddyn mewn adroddiad manwl ar yr adolygiad blynyddol o ansawdd y gofal. Mae'r holiaduron adborth i rieni yn dangos eu bod yn fodlon iawn ar y lleoliad a'r gofal a ddarperir i'r plant.

Mae'r gwarchodwr plant yn sicrhau bod gwiriadau'r Gwasanaeth Datgelu a Gwahardd (DBS) yn ddilys ac yn gyfredol iddi hi ei hun yn ogystal ag i aelodau o'r aelwyd. Mae'n sicrhau bod Arolygiaeth Gofal Cymru (AGC) yn cael gwybod am ddigwyddiadau o bwys neu newidiadau i'r gwasanaeth fel sy'n ofynnol gan y rheoliadau. Mae ei hyfforddiant cymorth cyntaf a hyfforddiant diogelu yn gyfredol er mwyn cynnal dealltwriaeth dda o'r arferion cyfredol gorau yn yr agweddau hyn.

Mae'r gwarchodwr plant wedi meithrin cydberthnasau cadarnhaol â'r rhieni ac yn rhannu gwybodaeth yn effeithiol. Roedd y cofnodion a ddarparwyd yn dangos bod y gwarchodwr plant yn casglu'r holl wybodaeth ofynnol am y plant cyn iddynt ddod i'r lleoliad. Mae hyn yn rhoi cyfle iddi gynllunio'n effeithiol ac i weithio â theuluoedd i ddiwallu anghenion unigol y plant. Mae'r rhieni'n cofrestru i ddangos eu bod wedi cael holl bolisiau'r gwasanaeth cyn i'w plentyn fynychu, ac yn eu deall. Mae'r gwarchodwr plant yn sicrhau bod y plant yn cael cyfleoedd i ddysgu am y gymuned y maent yn byw ynddi drwy dreulio llawer o amser yn ymweld â'r ardaloedd lleol, fel parciau a mannau o ddiddordeb, a grwpiau plant bach lleol.

Crynodeb o'r Achos o Ddiffyg Cydymffurfio

Statws	Ystyr pob un
Newydd	Nodwyd yr achos hwn o ddiffyg cydymffurfio yn yr arolygiad hwn.
Adolygwyd	Adolygwyd cydymffurfiaeth yn ystod yr arolygiad hwn ond ni lwyddwyd i'w chyflawni. Mae'r dyddiad targed ar gyfer cydymffurfio yn y dyfodol a chaiff ei brofi yn ystod yr arolygiad nesaf.
Heb Gyflawni	Profwyd cydymffurfiaeth yn ystod yr arolygiad hwn ond ni lwyddwyd i'w chyflawni.
Cyflawnwyd	Profwyd cydymffurfiaeth yn ystod yr arolygiad hwn a llwyddwyd i'w chyflawni.

Rydym yn ymateb i achosion o ddiffyg cydymffurfio â rheoliadau pan gaiff canlyniadau gwael i bobl, a/neu risg i lesiant pobl eu nodi drwy gyhoeddi Hysbysiad(au) Gweithredu â Blaenoriaeth.

Rhaid i'r darparwr gymryd camau ar unwaith i ymdrin â hyn a gwneud gwelliannau. Os bydd darparwyr yn methu â chymryd camau gweithredu â blaenoriaeth erbyn y dyddiad targed, gallwn uwchgyfeirio'r mater at Banel Gwella a Gorfodi.

Hysbysiad(au) Gweithredu â Blaenoriaeth

Rheoliad	Crynodeb	Statws
Dd/G	Ni nodwyd unrhyw achosion o ddiffyg cydymffurfio o'r math hwn yn yr arolygiad hwn	Dd/G
	Nid oedd gan bob aelod o'r staff wiriad cyfredol boddhaol gan y Gwasanaeth Datgelu a Gwahardd (DBS).	Cyflawnwyd

Lle byddwn yn canfod achosion o ddiffyg cydymffurfio â rheoliadau ond na chaiff unrhyw risg uniongyrchol na sylweddol i'r bobl sy'n defnyddio'r gwasanaeth ei nodi, byddwn yn tynnu sylw atynt fel Meysydd i'w Gwella.

Byddwn yn disgwyl i'r darparwr gymryd camau i unioni'r achos a byddwn yn ei ystyried eto yn yr arolygiad nesaf. Lle bydd y darparwr wedi methu â gwneud y gwelliannau angenrheidiol, byddwn yn uwchgyfeirio'r mater drwy gyhoeddi Hysbysiad Gweithredu â Blaenoriaeth.

Maes i'w Wella/Meysydd i'w Gwella		
Rheoliad	Crynodeb	Statws
Dd/G	Ni nodwyd unrhyw achosion o ddiffyg cydymffurfio o'r math hwn yn yr arolygiad hwn	Dd/G
	Nid oedd y gwarchodwr plant yn cadw cofnodion cywir o'r oedolion a oedd yn gofalu am y plant bob dydd.	Cyflawnwyd

Lle byddwn yn canfod nad yw'r darparwr yn cyrraedd y Safonau Gofynnol Cenedlaethol ar gyfer Gofal Plant Rheoleiddiedig ond nad oes unrhyw risg uniongyrchol na sylweddol i'r bobl sy'n defnyddio'r gwasanaeth, rydym yn tynnu sylw at yr enghreifftiau hyn fel Argymhellion i Gyrraedd y Safonau Gofynnol Cenedlaethol.

Rydym yn disgwyl i'r darparwr weithredu i ymdrin â'r rhain, a byddwn yn eu hystyried yn yr arolygiad nesaf.

Safonau Gofynnol Cenedlaethol	
Safon	Argymhelliad/argymhellion
	Ni nodwyd unrhyw argymhellion mewn perthynas â'r Safonau Gofynnol Cenedlaethol yn ystod yr arolygiad hwn

Pan fyddwn o'r farn y byddai hynny'n ddefnyddiol, mae'n bosibl y byddwn yn gwneud argymhellion arferion gorau. Nod yr argymhellion hyn yw annog lleoliadau sy'n gwneud yn dda i ddod hyd yn oed yn well wrth helpu plant i ffynnu.

Arferion Gorau
Argymhelliad/argymhellion
Sicrhau bod y plant yn defnyddio tywelion papur i sychu eu dwylo ar ôl eu golchi a bod y byrddau'n cael eu glanhau cyn amseroedd bwyd.
Parhau i ddatblygu'r defnydd o ddeunyddiau naturiol ac wedi'u hailgylchu yn yr amgylchedd dan do er mwyn gwella gwybodaeth y plant am y byd o'u cwmpas a'u dealltwriaeth ohono.

Graddau	Ystyr y graddau
Rhagorol	Gwasanaethau sy'n ymrwymedig i welliant parhaus ac sydd â llawer o gryfderau, gan gynnwys enghreifftiau arwyddocaol o ymarfer ac arloesi sy'n arwain y sector. Mae'r gwasanaethau hyn yn darparu gofal a chymorth o ansawdd uchel a gallant ddangos eu bod yn gwneud cyfraniad cadarn tuag at wella llesiant plant.
Da	Gwasanaethau sydd â chryfderau a heb unrhyw feysydd pwysig sydd angen eu gwella'n sylweddol. Maent yn rhagori ar y gofynion sylfaenol yn gyson, gan sicrhau canlyniadau cadarnhaol i blant a hybu eu llesiant yn rhagweithiol.
Digonol	Gwasanaethau lle mae mwy o gryfderau na meysydd i'w gwella. Maent yn ddiogel ac yn bodloni'r gofynion sylfaenol ond mae angen gwelliannau er mwyn hyrwyddo llesiant a gwella canlyniadau i blant.
Gwael	Gwasanaethau lle mae mwy o feysydd pwysig i'w gwella na chryfderau ac mae enghreifftiau arwyddocaol o ddiffyg cydymffurfio sy'n effeithio'n negyddol ar lesiant plant. Lle bydd gwasanaethau yn wael, byddwn yn cymryd camau gorfodi ac yn cyhoeddi hysbysiad diffyg cydymffurfio.

A oedd yr adroddiad hwn yn ddefnyddiol?

Rydym am glywed eich barn a'ch profiadau o ddarllen ein hadroddiadau arolygu. Bydd hyn yn ein helpu i ddeall a yw ein hadroddiadau yn rhoi gwybodaeth glir a gwerthfawr i chi.

I rannu eich barn ar ein hadroddiadau, dilynwch y ddolen isod i gwblhau arolwg byr:

- [Arolwg adroddiadau arolygu](#)

Os hoffech roi adborth cyffredinol ar wasanaeth, ewch i'n [tudalen Arolygon adborth](#).

Dyddiad Cyhoeddi 03/07/2024